

Bashkëpunimi i Asamblesë Parlamentare të Këshillit të Evropës me Asamblëtë Parlamentare me qëllim arritjen e përmirësimeve legislative

Cili është qëllimi i këtij projekti?

- ▶ zbatimi më i mirë i standardeve të Konventës Evropiane për të Drejtat e Njeriut (KEDNj) në legjislacionin e vendeve përfituese të projektit;
- ▶ përforcimi i rolit dhe kapacitetit të parlamenteve për mbikëqyrjen e zbatimit të vendimeve të Gjykatës Evropiane të të Drejtave të Njeriut (GjEDNj) nga qeveritë e tyre;
- ▶ rritja e ndërgjegjësimit të parlamentarëve dhe stafit parlamentar për jurisprudencën e GjEDNj-së dhe për çështjet sistemike në vendet e tyre, si dhe për nevojën e marrjes së masave për verifikimin dhe përmirësimin e ligjeve ekzistuese me qëllim shmangien e shkeljeve të përsëritura dhe reduktimin e numrit të çështjeve para GjEDNj-së;
- ▶ nxitja e normave legislative në lidhje me pavarësinë e medias.

Kush përfiton nga ky projekt?

- ▶ ligjberësit dhe stafi përkatës në parlamentet e vendeve përfituese të projektit;
- ▶ Agjencitë Përkatëse të Qeverive para Gjykatës Evropiane të të Drejtave të Njeriut të vendeve përfituese të projektit;
- ▶ gazetarët dhe profesionistët e fushës së medias;
- ▶ qytetarët në vendet e Ballkanit Perëndimor përmes përmirësimit të drejtësisë dhe garantimit të mbrojtjes së të drejtave të njeriut

Si do të funksionojë projekti?

- ▶ përmes shkëmbimeve mes Regjistrat të Gjykatës, specialistëve të projektit për Edukimin e Profesionistëve në Fushën e Drejtësisë për të Drejtat e Njeriut (HELP), ligjberësve dhe stafeve parlamentare për njohjen më të mirë të KEDNj-së, të praktikave dhe jurisprudencës së Gjykatës, si dhe procedurave të zbatimit të vendimeve të GjEDNj-së;
- ▶ përmes përgatitjes së një udhëzuesi për orientimin e parlamentarëve në punën e tyre të përditshme - "Parlamentet kombëtare si garantues të të drejtave të njeriut në Evropë". I përgatitur në gjuhët e vendeve përfituese të projektit, ky udhëzues ofron mënyra dhe mjete të ndryshme për t'i ndihmuar parlamentarët dhe stafet e tyre në përmbushjen e detyrimeve për mbrojtjen e të drejtave të njeriut në vendet e tyre;
- ▶ përmes konsultimeve të ngushta dhe aktiviteteve të përbashkëta rajonale, anëtarët e Komisionit të Asamblesë Parlamentare të Këshillit të Evropës (PACE) për Kulturën, Shkencën, Arsimin dhe Median dhe përfaqësuesve të Nënkomisionit të tij për Median dhe Shoqërinë e Informacionit nga organet rregullatore të medias, transmetuesit publikë dhe gazetarët mund të shkëmbejnë pikëpamje dhe të diskutojnë reformat kryesore me ligjberësit dhe stafin e komisioneve të specializuara parlamentare.

Çfarë presim të arrijë ky projekt?

- ▶ anëtarët e parlamenteve dhe stafet parlamentare do të mund të zbatojnë më mirë dispozitat e KEDNj-së në legjislacion dhe të ngrenë mekanizmat e nevojshëm për mbikëqyrjen e zbatimit të vendimeve të GjEDNj-së;
- ▶ zbatim më të mirë të vendimeve të GjEDNj-së dhe rritje të ndërgjegjësimit për rolin e parlamenteve në rolin e të drejtave themelore të njeriut;
- ▶ përmirësim të pavarësisë së medias përmes rishikimit të legjislacionit të vendeve përfituese të projektit.

Sa do të kushtojë ky projekt?

- ▶ Buxheti total i këtij projekti është 285.000 Euro;
- ▶ Buxheti i caktuar për programin e Instrumentit Horizontal shkon rreth 41 milionë Euro (85% financuar nga Bashkimi Evropian, 15% nga Këshilli i Evropës).

Si të marrim më shumë informacion?

- ▶ Divizioni për Mbështetjen e Projekteve Parlamentare të PACE: <https://pace.coe.int/en/pages/parliamentary-projects>
- ▶ Gabriela Matei, Oficere e Projektit PACE PPSD, Gabriela.MATEI@coe.int, + 33 (0)3 88 41 2328
- ▶ Faqja e internetit e Instrumentit Horizontal: <https://pjp-eu.coe.int/en/ëeb/horizontal-facility/home>
- ▶ Marija Simić, Këshilltare e Instrumentit Horizontal për Komunikimin, Marija.SIMIC@coe.int, +381 63 601 337
Besnik Baka, Këshilltar i Instrumentit Horizontal për Komunikimin, Besnik.Baka@coe.int, +355 69 217 8430

Rreth Instrumentit Horizontal për Ballkanin Perëndimor dhe Turqinë

"Instrumenti Horizontal për Ballkanin Perëndimor dhe Turqinë 2019-2022" është një nismë e përbashkët e Bashkimit Evropian dhe Këshillit të Evropës që u jep mundësi vendeve përfutuese të përbushin axhendat e tyre të reformave në fushën e të drejtave të njeriut, shtetit të së drejtës dhe demokracisë dhe në arritjen e standardeve evropiane, në kuadrin e procesit të zgjerimit të BE-së. Ky program tre-vjeçar mbulon projektet në Shqipëri, Bosnje-Hercegovinë, Malin e Zi, Maqedoninë e Veriut, Serbi, Turqi, si dhe në Kosovë* dhe zbatohet nga Këshilli i Evropës që prej muajit maj 2019.

**Ky përcaktim nuk përbën asnjë paragjykim për qëndrimet ndaj statusit dhe është në përputhje me Rezolutën 1244 të Këshillit të Sigurisë të OKB-së dhe me Opinionin e Gjykatës Ndërkombëtare të Drejtësisë për Shpalljen e Pavarësisë së Kosovës*

Këshilli i Evropës është organizata lider e kontinentit për të drejtat e njeriut. Ai përbëhet nga 46 shtete anëtare, duke përfshirë të gjitha vendet anëtare të Bashkimit Evropian. Të gjitha shtetet anëtare të Këshillit të Evropës kanë nënshkruar Konventën Evropiane për të Drejtat e Njeriut, një traktat i projektuar për mbrojtjen e të drejtave të njeriut, demokracisë dhe shtetit të së drejtës. Gjykata Evropiane e të Drejtave të Njeriut mbikëqyr zbatimin e Konventës në shtetet anëtare.

www.coe.int

Shtetet Anëtare të Bashkimit Evropian kanë vendosur të bëjnë së bashku njohuritë, burimet dhe fatet e tyre. Së bashku, ata kanë ndërtuar një zonë stabiliteti, demokracie dhe zhvillimi të qëndrueshëm, duke ruajtur në të njëjtën kohë diversitetin kulturor, tolerancën dhe liritë individuale. Bashkimi Evropian është i angazhuar të ndajë arritjet dhe vlerat e tij me vende dhe popuj përtej kufijve të tij.

www.europa.eu

Kjo fletëpalosje është prodhuar me mbështetjen financiare të Bashkimit Evropian dhe Këshillit të Evropës. Pikëpamjet e shprehura në të nuk mund të merren në asnjë mënyrë si pasqyrim i opinionit zyrtar të asnjërës palë.